



N°368  
Entrée le 21.02.2024  
Chambre des Députés  
Déclarée recevable  
Président de la Chambre des Députés  
(s.) Claude Wiseler  
Luxembourg, le 21.02.2024

Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 20/02/2024

Här President,

**Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un de Minister fir Wirtschaft weiderzeleeden.**

Virun e puer Joren huet déi viregt Regierung eng Rei Hëllefsmoosname fir d'Betribler beschloss, déi ënnert dem Numm "Fit 4" bekannt sinn. Dorënner befannen sech "Fit 4 Start"; "Fit 4 Digital"; "Fit 4 Innovation", "Fit 4 Sustainability" oder och "Fit 4 Resilience". Verschidde Programmer erlaben et och groussen Entreprises a Multinationalen, fir hei drun deelzehuelen a vu staatleche Subsiden dierfen ze profitéieren, wann si d'Bedingungen erfëllen.

An deem Zesammenhang wëlte mir dem Minister dës Froe stellen:

1. Wéi eng Subventionsprogrammer fir Betribler (onofhängeg vun der Gréisst vum Betrib) goufen zënter 2018 geschaf? Wéi eng Subventionsprogrammer lafen aktuell nach?
  1. Wéi vill Demandë sinn an deenen eenzele Subventionsprogrammer erakomm a wéi vill goufen ugeholl bzw. ofgeleent? Wéi vill sinn nach en Cours de Traitement?
  2. Wéi vill Subside goufen, opgelëscht no Joer an no Programm, an deenen eenzelnen Subventionsprogrammer ausbezuelte?  
Wat ass de Montant vun den Demanden, déi nach am Cours de Traitement sinn?
  3. Wien waren déi fënnf gréisst Beneficiairë vun dëse Programmer an all dëse Joren a wéi vill Subsiden hunn dës Firmen insgesamt erhalen?
2. Wéi eng Subventionsprogrammer existéieren beim Staat fir de Finanzement vun neie Maschinnen an Infrastrukturen ze subventionéieren?
  1. Wien war déi fënnf gréisst Beneficiairë vun dëse staatleche Bähëllef an all deene Joren a wéi vill Subsiden hunn dës Firmen insgesamt erhalen?
  2. Wéi ass séchergestallt, dass d'Maschinnen, déi mat lëtzebuergesche Bähëllef bezuelte goufen, net no e puer Joren an d'Ausland verkaft, transferéiert oder exportéiert ginn?

Mat déiwem Respekt,



[www.piraten.lu](http://www.piraten.lu)

---



CLEMENT Sven  
Deputéierten



POLIDORI Ben  
Deputéierten





**Réponse de Monsieur le ministre de l'Économie, des PME, de l'Énergie et du Tourisme, Lex Delles, à la question parlementaire n°368 du 21 février 2024 de Messieurs les députés Sven Clement et Ben Polidori au sujet des aides financières Fit 4**

Zanter 2018 goufen dës « Fit 4 » Moosname geschaf:

- Fit 4 Innovation – Health Tech Market
- Fit 4 Sustainability
- Fit 4 Resilience

De Programm Fit 4 Resilience gouf spezifesch geschaf fir d'Betriber an der Kris, déi duerch d'Covid-Pandemie ausgeléist gouf, ze begleeden. D'Demande konnte just an de Joren 2020 an 2021 agereecht ginn.

Zanter 2022 gëtt et de Programm « SME Packages », dësen ersetzt verschidde fréier Fit 4 Programmer integral oder deelweis, a bitt eng méi komplett Offer. D'SME Packages riichten sech u PME, déi den aktuellen Erausforderunge wëlle gerecht ginn a mat dësem Programm begleet ginn zum Beispill a punkto:

- Energietransitioun (SME Package – Sustainability)
- Digital Transformatioun (SME Package – Digital)
- Relatioun mat de Clientë (SME Package – Service, fréier Fit 4 Service).

Wëll all eenzel Bähëllef am Kader vun den Fit 4 Programmer ënnert dem Montant leien iwwert deem aus Transparenz-Grënn d'Informatiounen zu de Bähëllef publizéiert ginn, sinn d'Informatiounen zu de Montanten déi un déi eenzel Betriber gaangen si vertraulech an et gëtt kee Ranking publizéiert.

Iwwert kee vun den Fit 4 Programmer ginn Investissementer an Infrastrukturen oder Maschinne cofinanzéiert.

Hei drënner Informatiounen pro Programm:

- **Programm Fit 4 Start**

Vun 2018 bis 2023 goufen 143 Fit 4 Start Hëllef fir e Gesamtbetrag vun ongeféier 15.219.915 € accordéiert an e Gesamtbetrag vun 10.740.000 € gouf un 109 Betriber ausbezuel. Et sinn aktuell nach 4 Demanden am Traitement.

D'Participanten, déi gewielt gi fir am Fit 4 Start Start-up Acceleratiouns-Programm matzemaachen, ginn all Joer ëffentlech annoncéiert. D'Detailer vun de Start-uppen, déi an de leschten Editiounen matgemaach hunn, sinn an de Communiqué vum Wirtschaftsministère an op der Internetsäit vu Luxinnovation disponibel.

- **Programm Fit 4 Innovation**

Am Zäitraum 2018 bis 2023 sinn 31 cofinanzéiert Diagnostiken duerchgefouert ginn, fir e gesamten accordéierten Hëllef-Montant vun 194.875 €. 181.750 € Hëllef sinn ausbezuel ginn. Et ass keng Demande méi am Traitement.

- **Programm Fit 4 Innovation – Health Tech Market**

Dëse Programm huet 2022 als Declinaison vum Fit 4 Innovation ugefaang. Et gouf eng Bähëllef accordéiert an ausbezuel fir 13.125 €. Et steet keng Demande op.



- **Programm Fit 4 Sustainability**

Dëse Programm huet 2022 ugefaang, zanter hier sinn 23 Hëllef accorderiert gi fir e Gesamtbudget vun 394.825 €. Et si bis elo 90.519 € ausbezuelt ginn, 2 Demandë ginn aktuell nach analyséiert.

- **Programm Fit 4 Resilience**

Fir dëse Programm krute 26 Betriber Bähëllef accorderiert fir e Gesamtmontant vun 358.800 €. All dës Dossiere sinn oofgeschloss.

- **Fit 4 Digital**

Dëse Programm ënnerstëtzt PME bei enger genauer Analyse fir déi pertinentst a passend IT-Outilen ze fanne mat deenen se kenne méi effikass an effizient schaffe. En Deel vun de Fit 4 Digital Mesüre si méttlerweil vum SME-Package – Digital iwwerholl ginn.

Joer	Demanden	Accorderiert Montante vun Hëllef
2018	67	335.000 €
2019	117	585.000 €
2020	91	455.000 €
2021	115	575.000 €
2022	43	215.000 €
2023	23	115.000 €

Quell : *Rapports d'Activités vum Wirtschaftsministère*

Luxembourg, le 22/03/2024

Le Ministre de l'Économie, des PME,  
de l'Énergie et du Tourisme,

(s.) Lex Delles